

『懷風藻』大津皇子。四首。

皇子者。淨御原帝之長子也。狀貌魁梧。器宇峻遠。幼年好學。博覽而能屬文。及壯愛武。多力而能擊劍。性頗放蕩。不拘法度。降節禮士。由是人多附託。時有新羅僧行心。解天文卜筮。詔皇子曰。太子骨法。不是人臣之相。以此久在下位。恐不全身。因進逆謀。迷此 誤。遂圖不軌。嗚呼惜哉。蘊彼良才。不以忠孝保身。近此●豎。卒以戮辱自終。古人慎交遊之意。因以深哉。時年二十四。